



**REZOLUCIJA 4. KONGRESA
SOCIJALDEMOKRATSKE PARTIJE BOSNE I HERCEGOVINE
O SREBRENICI**

Polazeći od toga da je Međunarodni sud pravde u Hagu donio presudu kojom je utvrđeno da je u Srebrenici počinjen genocid, i imajući u vidu da u Srebrenici ne postoje ni minimalni uvjeti za normalan život njenih građana, 4. Kongres Socijaldemokratske partije Bosne i Hercegovine dana 10. 03. 2007. godine donosi

REZOLUCIJU

I

- Svi organi i institucije Bosne i Hercegovine i entiteta dužni su da donesu odgovarajuće odluke i zakonske propise u cilju dosljednog provođenja presude Haškog suda u vezi počinjenog genocida u Srebrenici;
- Teritorija Opštine Srebrenica treba da ima status Distrikta, te da se kao takva izuzme iz nadležnosti Institucija Republike Srpske i stavi pod jurisdikciju organa Bosne i Hercegovine;
- Na nivou Bosne i Hercegovine potrebno je hitno donijeti Zakon o statusu Srebrenice kao distrikta u kojem trebaju da budu razriješena sva pitanja u organizaciji zakonodavne, izvršne i sudske vlasti u Srebrenici;
- Neodložno je na nivou BiH i entiteta hitno donijeti finansijski program kojim će se obezbjediti uvjeti za stvaranje materijalnih, finansijskih i drugih uvjeta za odvijanje normalnog života u Srebrenici (zapošljavanja, školovanja, zdravstvenog, socijalnog osiguranja, i dr.)
- Tražimo od Međunarodne zajednice i domaćih vlasti da preduzmu sve mjere i aktivnosti da ne dođe do ponovnog egzodusa građana Srebrenice. U suprotnom, činit ćemo ih odgovornim.

II

Kongres zahtjeva da hitno nadležni pravosudni organi i u BiH i u inostranstvu nastave aktivnosti na privođenju osumnjičenih za ratne zločine

III

Kongres zadužuje sve zastupnike SDP BiH u Parlamentarnoj skupštini BiH, Parlamentu Federacije BiH i Narodnoj skupštini Republike Srpske da preduzmu sve potrebne aktivnosti u cilju provođenja ove rezolucije.